

浮山縣志卷之七

關隘 附鑲堡

古人因隘置關所以察非常防寇賊雖無天險而尤必殫計置之浮山四面重山若橫秦諸嶺形勢陡絕殆同天險今詳其道里暨隘路所達者而以堡鎮附焉志關隘

橫嶺 在縣東四十里南通翼城東烏嶺北達岳陽草峪嶺東支遙接沁水陽城澤州諸地為邑東屏翰

譚村 在橫嶺之東距城九十里萬山疊繞直接沁水縣之梅尾嶺前代通商舊路後因林木叢幽為虎豹

浮山縣志 卷之七

關隘

出沒之地徑路不通堪輿家僉云此路係本邑血脉若一流通富貴無窮康熙五十一年邑舉人張大統捐資刊伐樹木鑿山平路商賈往來漸成康莊

秦王嶺 在縣北四十五里山路崎嶇邑北險要

西左嶺 在縣西十五里西達郡城少北小徑通洪趙霍靈諸邑橫亘十餘里為縣西要道

郭城 即故縣村神山廢城縣西南十里東西北三面險絕唯東面平夸明末流寇猖獗諸村多被蹂躪此

獨特以無虞

洞子坡 在縣北二十里史壁村東北接岳陽潞安沁州諸地巉岩壁立險阻無路鑿鳥道一線以通往

來實為浮邑咽喉

縣屬道路要隘處七

浮邑天生險阻四境重山九鄰封接壤之區各有隘路可守前

邑侯特菴慶公厯審各處形要或立關門或建女牆或設弔橋因勢修築俾資捍禦統計共有七處而各為小說以詳之今悉以類相從編列於此仍以原說分註俾閱者瞭如指掌焉

韓村

縣正西二十里界臨汾縣係赴郡通車大道最為緊要其地南北兩崖高皆數仞中有土搭浮橋一道下臨深溝今於當路建關一座關頂與南北崖相連仍於崖邊各築土城一道上設女牆礮眼以為防守護身之備崖上順堰開窰為守者炊宿之地

南畔橋

縣正南四十里界翼城縣係至翼城通車大道其地東西皆深溝中有土橋一座今特改設弔橋並於當路建關二重左右築土城開窰以備守禦

浮山縣志

卷之七

關隘

二

槐塢村

縣西南二十里界臨汾縣其地南面深溝北面土崖由交界至溝邊築土城一道計四十餘丈仍開窰以備炊宿之所

張家灣

縣正東九十里界岳陽沁水兩縣其地兩面高山官道在河於兩山根順堰各築土城一道綿長十餘丈高七尺城內依山崖開土窰八眼以備守者棲止有警即倚城設防

楊村河

縣正北二十五里界臨汾洪洞兩縣其地兩面皆山道在沿河而上於兩山根築土城開窰有警即於沿河兩面土城設防其至洪洞之路亦可兼守

馬台村

縣西北十五里界臨汾縣其地勢與正北楊村河大略相同彷彿照辦

駝葛河

縣東北五十里界岳陽縣其地兩面皆山中有下坡路一條北路民貧無力建關有警用土石

將道砌斷並於兩崖間築土城開甬爲防守炊宿地
土城高低與東路同

鎮三

東張鎮

王村鎮

響水河鎮

堡四

韓買堡

安國堡

史壁堡

疊頭堡

四堡俱在神山

見宋志

浮山縣志

卷之七

關隘

三